

## SYNGENESIA POLYG. ÆQUALIS.

† LACTUCA *segusiana* Balb. *addit.*, pag. 94. (Tab. 8.)

L. foliis inferioribus runcinato-dentatis; caulinis hastato-linearibus integerrimis, mucronatis; caule ramosissimo.

*Descr.* Tota planta glaberrima. Ex radice fibrosa caulis erigitur pedalis ramosissimus. Folia radicalia runcinato-dentata laciniata, laciniis recurvis, mucronatis: superiora hastato-linearia integerrima, in exiguum mucronem desinentia; corolla dilute purpurea, exigua; petala leniter quinquefida; pappus longissime stipitatus, simplex. Floruit in horto elapso anno, versus finem julii.

HIERACIUM *valde pilosum*, Vill.

H. caule recto sub simplici; foliis amplexi caulibus, lanatis; calicibus imbricatis. *Flor. Delph.* 3, p. 106.

In rupestribus maritimarum alpium occurrit.

CREPIS *stricta*, Scop.

C. foliis imis cichoriaceis; superioribus basi carinatis.

*Flor. Carniol. tab.* 47.

Legi in valle *Queiras* prope castrum; item prope *Sestrieres*.

CREPIS *præcox*, N. (Tab. 9.)

C. foliis inferioribus runcinatis, dentatis; superioribus integris, ad radicem dentatis; bracteis linearibus; squamis calicinis exterioribus scariosis, patentibus; pappo stipitato simplici.

In collibus *Taurinensibus* præsertim prope *Superga* primovere frequens.

*Descrip.* Radix crassa, fusiformis, caulis bipedalis, ramosus, ramis nudis folia radicalia runcinata, dentata, petiolata, petiolo alato instructa, margine ciliata; superiora hastato-sagittata, ad basim dentata, semi-amplexicaulia. Pedunculorum bracteæ lineares; inferiores basi dentatæ; superiores integræ; utræque margine ciliatæ. Flores corymbosi, lutei. Calix exterior patens, squamis levibus, margine albicante; inferioribus dimidio fere brevioribus. Interiores squamæ hirtæ, pilis ad extremitatem glandulosis refertæ. Pappus stipitatus simplex.

Mire variat foliis radicalibus, quandoque integris, alias dentatis.

*Crepidem* hanc pro *vesicaria* tradideram in *addit.*

Sed calyces a *vesicaria* admodum diversi.

*Præcocem* appellavi, quum prima inter omnes *crepides* nostrates flores promat.

Tres, quatuorve alias *Crepididis* species distinctas possideo, quas nunc in horto colo, ut earum notas exacte magis persequi possim, eæque tunc alteri miscellanæ tradentur.

#### POLYGAM. SUPERFLUA.

GNAPHALIUM *Norwegicum* Koenig.

G. caule herbaceo, simplicissimo; foliis lanceolatis;

Tab. 9.



*Crepis praecox*

Gravé par Chianale Amati et Tola à Turin